


Aruba Bank Noord branch



Ariba e foto por mira Sr. Edward Eman di Eman Travel, Sra. Mena Lacle Account Manager, Glen Robles, Ass. Manager Director, Brian James Director, Sr. Boy Eman, Manager Director, Martina Croes, Operation Manager, Beta Figaroa cu lo bay encarga cu Noord Branch Director y Sr. Ir. Richard Eman architecto cu a traha ariba e branch na Noord.

ARUBA BANK LTD.



ORANJESTAD(AAN) — Gerencia di Aruba Bank nv. a acerca Eman & Partners na medio Juni 1987 cu e participacion cu nan ta desea un branch di nan banco den e comunidad di Noord. Diferente localidad a worde studia y diferente diseño a worde analisa. Dia 1 di Juli 1987 a worde dicidi cu e mes-ter bini ariba tereno ariba cual e edificio a worde construi.

Pa dia 14 di Juli ya caba e diseño tabata cla y e contratista a cuminsa cu su construcion. Construcion a worde completa dia 23 di November 1987.

Den e diseño a incorpora e filosofia di Aruba Bank, pa mantene y

participa den nan tradicionnan Arubano. Esaki ta un di e puntonan di salida pa bini cu un edificio den forma di un cas tradicional Arubano den e comunidad di Noord. Di e forma aki e edificio nobo y super moderno ta den harmonia cu e urbanisacion di Noord.

E banco tin den dje e.o. un drive-up nightdepost, un drive-up teller, cuatro position di caha (tellers), un safe grandi cu un cantidad enorme (total 561) di safedeposit boxes. E ta equipa cu un on-line terminal cu ta conecta cu e main-computer di banco. Pafor di e parkinglot tin espacio pa estacionamiento pa aproximada-

mente 13 auto.

E entrada y e parti pa e clientenan ta den e parti cu den boca di pueblo ta yama "hadrij" (galerij). Tambe den e "hadrij" aki tin e oficina di Eman Travel cual ta equipa cu un on-line computer reservation terminal, e.o. "System One". Un sistema di reservacion y servicio completo computerisa. E parti cu ta yama "sala" ta pa empleadonan di banco. Den e "hadrij" patras tin e kluis y tambe e cushina, toiletan etc.

E edificio a worde diseña y construcion a worde supervisa pa Eman & partners, architenten en Ingenieurs nv. Contratistanan tabata:

Albo Aruba nv. pa e construcion general, Tearasa nv. pa e electra y airco, A.S.A. pa e parti di glas y verfmento, Arubaanse Wegenbouw pa e parkinglot, Trimon Welding pa e molina di pos, Normark pa e alarma, Landscaping Unlimited pa e landscaping.

Mirando tur e faciladnan cu e branch aki ta ofrece, su situacion strategico y e desaroyonan den Noord Eman & Partners ta convenci cu e uso di e branch aki lo surpasa e expectativa di hopi persona. Sigur ta cu e branch aki lo rindi un bon servicio na e comunidad di Noord.

Ministro van Eekelen:

Helicopter pa Aruba

ORANJESTAD(AAN) — Durante su bishita na Aruba, e Ministro di Defensa di Hulanda, van Eekelen a papia cu prensa y a muestra ariba e lugarnan cu el a bishita.

Asina el a realiza un bishita na Gouverneur Tromp, Promer Ministro Eman, y tambe a bishita e sitio di ejercicio na Westpunt, caminda e por a observa con militarnan ta haci uso di armanan pisa.

Ariba un pregunta si por pone un helicopter disponible pa Aruba y Antillas, el a muestra cu Hulanda mes conoce un scarcedad di helicopter.



E dos avionnan cu ta estaciona na Curacao lo haya servicio di mantenimiento.

A worde puntra si ta berdad cu tabata tin

protesta di parti di Aruba y Antillas entorno un expresion haci pa e General di Brigada durante un conferencia di prensa aña pasa na Curacao entorno

bishita na Venezuela.

El a muestra cu semper tabata tin bon cooperacion entre Venezuela y Aruba y cu futuro esaki lo continua.

Boulevard Theatre
I TODAY at 8:15 p.m.

SUMMER SCHOOL



COMEDY 18 yrs.

II

TODAY at 8:45 p.m.




DRAGNET

"Sólo Los Hechos"

COMEDY 14 yrs.

Drive - In

TODAY at 8:30 p.m.



UN HOMBRE LLAMADO EL DIABLO

ACTION 18 yrs.

Telefoonnan di Diario
Tel: 26747
Tel: 22207
Tel: 35026